


Ingilralulijikkut
Aulapkaidjutinullu
Nunavunmi

**Nunallaani
Ingilrajulijikkut
Piniaqhimagdjutini
Pinahuaruti**

2022-23



Kangiqhidjutit

Ingilraluliqiikkut Aulapkaidjutinullu Nunavunmi quviahuktuq tunijaami naittunik naunaijarutunik havaktakhanik tukhiqhimagun iniqhimajullu ataani Nunallaani Ingilrajuliqiikkut Pinaqhimadjutini Pinahuarutimi 2022-23mi.

Una Nunallaani Ingilrajuliqiikkut Pinaqhimadjutini Pinahuaruti tunijuq manikkut tuniudjutinik Nunavunmi haamlagijainnun nappaqtirutikhanun ihuaqhainirnullu nunallaani apqutikhanik imarmilu piquitikhanik atadjutijun nunallaq ukununga piangaijarnikkut pivalliadjutinun uuktuutikhanik ukunanilu pitquhikkut inuuhirnun hulidjutainnun. Huliluqaanginnarutinun iniit ilaqaqtaaqnun huliluqaarutikkut inikhat, tangmaarvikhat, iniit piligit quvianaqtunik pitquhikkut akhuurutinun, nunallaani aturutikhat pijaaqtaarutikhallu inmarmun hikumiluunniit ikajuutikkut iqalukhiurnirnun, anguniarnirnun aquijukkullu uuktuutikhanun. Pinahuaritim manikkut aturutikhaa uvani 2022-23 una \$1,800,000, aallanguqtiqhimaittuq talvanga 2021-22min.

Pinahuaruti taimaatun uuktuutikkut pidjutiqaqtuq, maniliqtuutikhat tunihimagun nunallaanun pidjutainni nakuuniqarutikkut havaktakhami tukhiutini uvanilu qanurittunik nunallaanin ikajuutiqarutainnin. Maniliqtuutikhakkut ihumaliurutit piniaqhimajun angiklijuummiiqtirlugin attautimut qaffiuniit nunallaat tunijaujut tuniudjutinik. Nunallaani ilauhimaarnikkut, nunallaat ikajuutait, akitutillaangit, uvalu ihuaqhaidjutikhainnun pijaaqtunun avatini hulaqutinun ihumagijaujun uvani qaujiharniinni tukhirutini.

Qulit (10) maniliqtuutikhanun tukhirutit tamatkiutihimagun \$7,382,298 ukununga Nunallaani Pijaami Apqutikhanik havaktaujukhanik pihimagun ukununga qulinin nunallaani 2022-23mi. Tamaat \$1,800,000 manikkut aturutikhaq tunihimajuq pijaaqtunun havaktakhanun, kihimi atauhiq havaktakhaq taimaaqtitauvaktuq taamna tuhijauhimajuq tunihimanginmat unniudjutinik talvanga kingullirmin ukiumin tuniudjutaanin, hapkuat manikhat huli tuniudjutihimangittun. Atauttimun unniutihimagun pinahuarutimi akilirutiit taapkununga havaktakhanun naunaijaqtauhimagun pihimagun haamlatkunnin ihivriuqtauhimagunin titiqqanin una \$1,643,230.

Una Nunallaani Ingilrajuliqiikkut Pinaqhimadjutini Pinahuaruti ikajuqtaillu Mikijun Qajat Tulaktaqvikhanik Akitujut Tuniudjutit, taamna maniliqtuutijuq mikijunik imarmi auladjutikhakkut havaktakhat tuhiqtaujun haamlatkunnin pihimajullu manikkut aturutikhamik imaatun \$500,000 2022-23mi. 2023mi, pinahuarutim atia aallanguqtuq

uumunga Nunallaani Imakkut Aulapkaidjutikhanik pinahuaruti, kihimi pijutainnun uumani unniudjutimi hivulliqpaaq atiluarivaktaa atuqtaujuq.

Tukhirutikkut tukhirutit tamatqiutimun \$800,000ngujuq ukununga Mikijuni Qajainni Tulaktarviinni havaktakhani pihimajun ukunganga malruungnin (2) nunallaanin 2022-23mi. Tamatkiutit imaatun \$500,000 ukunani Mikijuni Qajainni Tulaktarviinni maniliqtuutikhaq angiqhimajun havaktakhanun tunihimajun nunallaatun tukhiqpaktun maniliqtuutikhanik. Tamatkiutini pijaaqtun akiliqtaujuhat ukunanga pijunin imaa ittuq \$499,441.

Qikiqtaaluk Aviktuqhimaniani Havaktakhat

2022-23mi, tallimat (5) Qikiqtaaluk nunallaat (Ausuittuq, Iqaluit, Kimmirut, Mittimatalik unalu Sanikiluaq) tunijuq tukhirutini tamatqiutikkut \$938,958 apqutikhanun ingilrajaarnirnullu havaktakhanun. Tamaita havaktakhat angiqtaujuun manikkut ikajuutikhanun tikinnuaqhugin aktilaangi tukhiqtauhimajunin, kihimi talvatuq \$760,000 tunijauhimaquq.

Tukhirutit angiklihautikhat ihuaqhautikhalluunniit tahamanittinun apqutini ingilraarniinnilu.

Sanikiluaq tunihimajuqlu tukhirutimik uvunga Mikijuni Qajainni Tulaktarviinni pinahuarutimun tamatqiutihimajuq imaatun \$500,000. Pinahuaruti angiqhimajuq ikajuutikhamik imaatun \$250,000.

Apqutit Ingilrajaarnilu havaktakhat

Ausuittuq

Greenlander Mountain Apqutikhaq – Haamlatkut angiqtaa tuniudjutikhaq imaatun \$60,000 uumunga havaktakhamun angiklilaarutikhaq apqutimik malruungnik (2) km uavni Greenlander Mountainmi.

Iqaluit

Itijuq Tariumi Tulaktaqvik uvunga Mivvik Apqutaanun – Nunalipaujaaq angiqtaa tuniudjuti imaatun \$250,000 ihuaqhaidjutikhainnun tallimani (5) km uvani Akilliq Apqutaani aulajuq talvunga nunallaami imarmi auladjutinun ininganun.

Kimmirut

Nunallaani Apqutikhaq – Haamlatkut pijun \$75,000 piliuriamingni 1.5 km nutaamik apqutikhamik talvunga hivuraani-ualliani nunallaap.

Mittimatalik

Taliruaqjuk Ingilrajaaq – Haamlatkut angiqtaujuun uvunga \$250,000 pivallialiurnirnun imaakiaq malruungnik (2) km nutaamik apqutikhamik.

Sanikiluaq

Pullalik Kuugaq Ingilrajaaq – Haamlatkut angiqtaujuun uvunga \$125,000 ihuaqhaijaami tahamanittuq apquti iliuraqlunilu calcium chloride-mik pujuqalluangittaanganik.

Mikijuni Qajainni Tulaktarviinni Havaktakhat

Sanikiluaq

Puktallaaqtun Tuklaktarviit – Haamlatkut angiqtaujuun uvunga \$250,000 nutaanun puktallaaqtunun tulaktarviinnun taapkuat niuviqtaujuun iliurariami nunallaami malingnin-uquutamin 2023mi.

Kivallirmi Havaktakhat

2022mi, hitamat (4) Kivallirmi nunallaat (Qamanittuq, Igluligaarjuk, Salliq, Kangiqliniq) tunijun tukhirutini tukhiqhutik \$1,607,620 ukununga apqutikhanun havaktakhanik. Tamaita havaktakhat angiqhimajun tuniudjutimun ikajuutikhaq havaktakhamingnun takunnaqtun ukunani tamatqiuhimajuni maniliqtuutini hailihimajun ataani uumani pinahuartimi. Tuniudjutit angiqaujuna tamatqiutihimajun \$850,000. Maniliqtuutit atuqtaujaun angikliharnirnun tahamanittuni apqutini/ingilrajaarni munarilugillu ihuaqhaqlutillu tahamaniittunun apqutit.

Piittuq nunallaanik Kivallirmi tukhiqtun imarmi auladjutikhanun maniliqtuutikhanik uumani maniliqinikkut ukiumi.

Apqutit Ingilrajaarnilu havaktakhat

Qamanittuaq

Prince Kuugaq Apqutikhaq – Haamlatkut pijun \$150,000 iniqtiriami 1.5 km apqutimi uvani apqutimi uvunga Prince Kuugamun.

Igluligaarjuk

Ingilrajaaq – Haamlatkut angiqtaujaun uvunga \$250,000 aulahimmaqtukhat ujaralialiurnirnun pidjutilgit munaridjutaani tahamaniittumi ingilrajaami talvungaujumun Josephine Kuugami iniani.

Salliq

Qikiqtaugalik Ingilrajaanga Takhilaarutaanik – Haamlatkut angiqtaujaun uvunga \$250,000 ingilrajaaliuriami takhilaarutikhamik 10 km uumani ingilrajaami.

Kangiqliniq

Diane Kuugaq Trail/Tatty's Cove – Haamlatkut tunijaujaun uuminga \$200,000 ihuaqhaijaami tahamanittuq apquti niuviriami iliuraqlunilu calcium chloride-mik ilanginnun apqutimun.

Kitikmeoni Havaktakhat

Apqutit Ingilrajaarnilu havaktakhat

2022-23mi, piittuq uukturutikhanik apqutikhanik ingilrajaarnulluunniit havaktakhanik tunihimaittun Kitikmeoni.

Kugluktuk tunihimajuq uuktuutimik ataani Mikijuni Qajainni Tulaktarviinni pinahuarutimi tukhiqhutik \$250,000, taanma angiqtaujuq maniliqtuutikhanun.

Mikijuni Qajainni Tulaktarviinni havaktakhat

Kugluktuk

Tulaktarvik Qajakuuviklu – Haamlatkut angiqtaujuq uvunga \$250,000 niuviriami iliurariamilu nutaamik puktallaaqtumik tulaktarvingmik nutaanguqtirlugulu qajakuurvik inia.

Apqutikhanik Havaktakhat

Nunallaaq	Tukhiutit Naunaitkutait	Angiqhima jun	Akiliqtuidju tit
Qamanittuaq	Prince Kuugaq Apqutiqhaa	\$150,000	\$150,000
Igluligaarjuk	Ingilrajaaq	\$250,000	\$250,000
Salliq	Qikiqtaugalik Ingilrajaami Aulahimmaarutaanun	\$250,000	\$250,000
Ausuittuq	Greenlander Mountain Apqutikhaa	\$60,000	\$60,000
Iqaluit	Itijuaq Tariumi Tulaktaqvik uvunga Mivvik Apqutaanun	\$250,000	\$250,000
Kimmirut	Nunallaami Apqutikhaa	\$75,000	\$75,000
Mittimatalik	Taliruaqjuk Ingilrajaaq	\$250,000	\$250,000
Kangiqliniq	Diane Kuugaq Ingilrajaaq/Tatty's Cove	\$200,000	\$200,000
Sanikiluag	Pullalik Kuugaq Ingilrajaaq	\$125,000	\$125,000
TAMATQIUTINUN		\$1,610,000	\$1,610,000

Mikijuni Qajainni Tulaktarviinni Havaktakhat

Nunallaaq	Tukhiutit Naunaitkutait	Angiqhimaj un	Akiliqtuidj utit
Kugluktuk	Tulaktarvik Qajakuuviklu	\$250,000	\$249,441
Sanikiluag	Puktallaaqtut Tulaktaqviit	\$250,000	\$250,000
TAMATQIUTINUN		\$500,000	\$499,441